

310.159
18
-6

甯洋縣志

仁

重修甯洋縣誌序



邑之志猶史也所以信今而傳後志或有
誤不幾信無可信傳而失傳耶甯志自前
明來創始於鄧楊二公厥後許公蕭公沈
公間起而重修之亦云大備迄於今闕焉
不講者有年矣余承乏斯土考邑

中故實詢及志書孝廉陳君天樞告余曰
甯之志書咸豐初年兵燹後舊板遭燬所
剩殘編斷簡迄無完書惟退巖廖先生纂
脩遺稿尚存惜未經付梓鮮有傳者余亟
索而閱之見其詳而有體簡而有要頗得
史氏筆意但廖君物故又十餘年於茲矣

雖疆域山川歷萬古而不變顧其間營建
之有廢興賦役之有通變官師之有得失
風俗之有盛衰以及秩禮學校武備藝文
人物雜記所當增當補者不可勝數因與
邑中紳耆謀修誌之舉求清踴躍咸樂觀
成請之

二

當道深蒙許可於是禮致羣彥設局於雙
泮書院採訪撫拾公餘之暇相與悉心釐
定分類考訂當增者增當補者補不數月
而書告成余願後之覽是書者於疆域志
而思保固之術於山川志而思設險之規
於營建志而知使民有時於賦役志而知

取民有制於官師志而牧民盡其職於風
俗志而化民盡其心於秩禮而切脩明於
學校而宏教育於武備而偃武之治興焉
於藝文而崇文之教行焉於人物而仰賢
良之足法於雜記而省災異之非常是志
者邑之傳信史也可以興可以觀其有益

重修甯洋縣志序

三

於民生吏治者豈淺鮮哉烏可以不脩
光緒紀元乙亥八月同知銜知甯洋縣事

餘杭董鍾驥謹跋

澤縣志目錄

卷一

凡例 各圖

卷二

地輿志

肇興

疆域

形勝

分野

山川

星社附聚

物產

風俗附歲時

卷三

建置志

城池

公署

學校

寺觀
社壇
祠

澤縣志

卷之首 目錄

街市

亭塔附樓閣

城

卷四

賦役志

戶口

土田

賦役

鹽課

卷五

官師志

職官

各官

名宦

卷六

秩禮志

文廟

壇廟

各祠

典

卷七

武備志

民兵

駐防

教場

關隘

卷八

選舉志

科目

貢生

薦辟

應例

封贈

掾階

中官

鄉賓

老農

卷九

人物志

鄉賢

列傳

鄉善

貞烈

得

附洋縣志

卷之首

目錄

卷十

藝文志上

碑記

傳文

策議

卷十一

藝文志下

舊序

詩賦

卷十二

雜事志

寺觀

仙釋

祥異

兵亂

二

甯洋縣志姓氏

主修

提調官甯洋縣知縣董鍾驥

纂修

舉人陳天樞

拔貢吳正南


廩生廖譽嘉

生員賴亨耀

生員賴和輝

生員溫正瓊

叅校




甯洋縣志

卷之首

姓氏

三

甯洋縣




甯洋縣志

卷之一

輿圖

甯洋縣志圖文

寧洋縣




境全圖

寧洋縣志


卷之一 輿圖

二



寧洋縣

公署圖



寧洋縣志

卷之三 署圖

三

崇聖祠

文廟

大成殿

禮樂

舞臺

戟門

櫺星門

宮牆

衙

預備倉

堂

吏倉

刑兵

門

獄舍

申明亭

學堂

寧洋縣

廟學圖

雙洋第一




寧洋縣志

卷之一

學圖

四



名勝圖

甯洋縣志

卷之一

勝蹟

五



甯洋縣志卷一

凡例

一甯之有志自鄧楊二公始而許公更定之時新邑草創百凡未備至康熙元年邑令蕭公與學博張公共謀纂修詳加考核綱舉目張幾無遺憾至三十一年邑令沈公復行修纂分列十卷井井有條迄於今一百八十有三年矣然其間人事有增時物亦異因謀是舉加增二卷其次序略有不同於前者亦變而通之之意也

一前志中有當續補者不得仍抄舊文有當詳紀者不得仍因缺畧或增續傳文或參酌字句或詳叙來歷非敢賢智先人

甯洋縣志

卷之一 凡例

也亦求無愧於心焉耳

一志書統括言之不外土地人民政事二者而土地又人民政事所從出故以地輿弁首有地輿則重規建故規建次之賦役本於土地故次賦稅官師蒞此土地故次官師至武備一條舊列秩禮之上未免失序蓋國家必先有文事而後有武備茲故次於秩禮之後嗣是而選舉人物藝文雜記俱酌前志而次第之

一山川形勝間有騷人墨客留題寄詠皆足增光景物前志錄在山川之下纂修舊序前志列在卷首茲俱修入藝文志各分其類尤為便覽

一志中條款必一類自為一類方見眉目分清如建置有弁署舊在學校之後今附之於公署之間人物有中官舊載雜記之中今登之於選舉之下釐正其目以便案頭翻閱非敢妄亂舊例也

一賦役志如戶口鹽法其始末源流舊志尚缺茲叙其略以備參考

一前志人物選舉合而為一茲分而二之以別其類至有增入者如選舉中增入農官人物中增入壽考及五世同堂皆係見聞確實或參之州志或質之輿論無敢私也

一鄉善中所有造橋修路捐貲成美及利物濟人昭彰耳目藉

藉人口者有善必錄不沒其德亦以示勸善之意至其人尚在雖有善行可嘉未便修入概俟之後人

一節孝貞烈艱苦備嘗又值家貧子孫莫能旌表其湮沒沉埋者不知凡幾所有確係真實可質無疑亦許修入以光泉壤慰苦節之貞也

一藝文志以有關於山川風化營建廢興足備後人參考者始行採入其與地方人物事實了無關涉雖屬佳製亦不敢濫

登

輿地志

肇建

疆域

形勝

分野

山川

里社

物產

風俗

附歲時

甯自肇建以來清濁既分高卑斯定眾峯標拱侍之勝兩洋
兼蓄洩之奇至於山林澤藪品彙之所蔭滋村落里居風俗
因有隆替雖最壤陴九僅足方於二身之國而化民成俗不
無望於父母之官也志輿地

肇建

閩自上古去中國最遠而漳又在閩之南秦漢時裔君長而

已三國屬吳建安郡晉大康三年折建安郡置晉安郡歷宋
齊至梁屬東揚州陳永定初陞東揚州為閩唐嗣聖三年武
后陳元光討平廣寇陳謙等始建漳州光啓元年王緒陷汀
漳尋為王潮所有傳弟審知王閩中凡五世滅於南唐五代
間留從效據漳州宋建隆三年陳洪進有漳州地尋奉正朔
領縣四龍溪漳浦龍巖長泰後南靖漳平和詔安海澄甯
洋六縣皆西縣之所分折者元至治中析龍溪漳浦龍巖三
縣地置南靖縣領縣五明成化四年析龍巖居仁聚賢感化
和睦永福五里置漳平縣正德十二年析南靖縣清甯新安
二里置平和縣嘉靖九年析漳浦二三四五都置詔安縣

慶元年析龍溪一三三四五都六七都八九都第五圖并添
浦縣三十三都第九圖置海澄縣嘉靖四十四年析龍岩集
賢里五圖延平府大田永安各三圖置甯洋縣詳考甯洋地
方故龍岩縣集賢里之東西洋四山環列中故寬平蓋一形
勝區也正統丙寅始設巡檢司於此以控谿峒之民嘉靖壬
戌山寇屢選蘇阿普嘯聚其間積三四年生靈塗炭極矣一
時撫按司道定計討賊檄各縣鄉兵進剿獨漳平知縣魏文
瑞首率永福里兵逆戰死之始魏以斯地林密谷深賊宜坐
困議立縣治為久安之策未報而身已殞曹文華曹鳴鳳者
龍岩廩生也乃條陳八議呈請設縣巡海憲副周公單車入

縣力相其成蘇阿普會東田馬元湘之眾猶聚于龍頭寨至
四十四年官兵始剿之於是山峒悉平遂度地經營以立縣
章巡檢司請命

朝廷准以龍岩縣秋糧充兵餉易征剿四千金為叙縣經營之費
乃割龍岩永安大田三縣里圖以成縣治仍隸於漳命名甯
洋以其地在東西洋今甯靜故云迨至

國朝雍正十三年改龍岩縣為直隸州乃與漳平縣同屬龍岩

按分析事宜初議割龍岩縣集賢里之五圖延平府大田
縣聚賢里內割三圖永安縣三都內二十八都二十九都
三十都割三圖其集賢五圖聚賢三圖原無異議惟永安

僅來三十戶在二十八都內餘皆廢覆未附至厓兩院
委賢能計議迨隆慶辛未八月知縣柳如梁來令茲土下
車之初甯民環車泣曰百姓苦貧極矣永人不至眾其安
所恃乎先時漳州府知府羅垂憫甯民惓惓以甯版籍為
念具言于提督軍門都御史何謀于團練道僉事梁初次
漳平即命知縣章述循行三都之地度形勢既至甯則命
永安知縣許培之籍里圖命龍岩陳茂芳相厥議經營既
定仍會議於武平僉事顧即又命沙縣知縣劉應龍報議
僉同乃屬邵武府推官區畫疆界處置丁糧召三都之民
諭以

朝廷首意民始感泣樂從蓋至是而甯洋十一里之議始克就
緒時隆慶辛未十一月也甯民既定則可以控制百里之
遠可以永貽四邑謂龍岩連城永安大田也之安而延平汀漳均受其
利矣

論曰國依於民分土建邑所以衛民也甯洋既設民離金
章而衽席之揆厥所由成之者周巡海也肇之者曹二生
也想其開創艱難多方譬畫後之撫茲土者當知前人重
民之意益求撫循之道哉

疆域

廣一百里袤一百六十里